

MVIA gesa gubal segera peraturan salah guna vape

MVIA gesa gubal segera peraturan salah guna vape

Kuala Lumpur: Pertubuhan bukan kerajaan Malaysian Vape Industri Advocacy (MVIA) menggesa kerajaan supaya mempercepatkan pelaksanaan undang-undang khusus berkaitan penggunaan rokok elektronik.

Presidennya Rizani Zakaria menegaskan MVIA memperjuangkan penggubalan undang-undang itu khususnya membabitkan penyalahgunaan rokok elektronik dalam kalangan kanak-kanak dan remaja.

MVIA turut menyelar tindakan ibu bapa yang memberi anak mereka menggunakan alatan itu seperti yang tular menerusi media sosial baru-baru ini.

"Jika terdapat satu peraturan, tindakan terhadap mereka

dapat diambil. Pengguna *vape* juga perlu dididik supaya mereka tidak menyalahgunakan produk ini.

"Tindakan tidak bertanggungjawab ibu bapa kanak-kanak ini menyebabkan masyarakat memandang serong kepada penggunaan *vape*," katanya dalam kenyaa-

taan.

Sebelum ini, tular klip video berdurasi 12 saat yang memaparkan seorang wanita memberi anaknya yang sedang menonton video animasi di telefon bimbit, menghisap rokok elektronik.

Polis mengesan individu terbabit untuk siasatan lanjut.
- Bernama

